

O B R A Z L O Ž E N J E

UZ PRAVILNIK O OBAVEZONOM UDJELU I PREUZIMANJU ELEKTRIČNE ENERGIJE PROIZVEDENE IZ OBNOVLJIVIH IZVORA ENERGIJE

Regulatorna komisija za energiju u Federaciji Bosne i Hercegovine – FERK ovim obrazloženjem objašnjava pravni i činjenični osnov za donošenje Pravilnika o obaveznom udjelu i preuzimanju električne energije proizvedene iz obnovljivih izvora energije.

Obrazloženje je izrađeno da bi se omogućilo javnosti razumijevanje pravnog osnova koji FERK mora uvažavati u postupku donošenja opštih akata kojima se, na osnovu zakonskog ovlaštenja, na opšti način uređuju pravni odnosi u cilju razrađivanja i primjene pojedinih zakonskih odredbi, a namjera FERK-a je ovim pravilnikom propisati obavezu, način i proceduru preuzimanja električne energije proizvedene u postrojenjima koji koriste obnovljive izvore energije od kojih Operator za obnovljive izvore energije i efikasnu kogeneraciju vrši otkup električne energije za sve snabdjevače koji snabdijevaju krajnje kupce u Federaciji Bosne i Hercegovine.

I PRAVNI OSNOV

Zakon o korištenju obnovljivih izvora energije i efikasne kogeneracije („Službene novine Federacije BiH“, broj 82/23)

Članom 59. stav (6) Zakona o korištenju obnovljivih izvora energije i efikasne kogeneracije propisano je da su svi snabdjevači koji snabdijevaju kupce u Federaciji Bosne i Hercegovine obavezni preuzeti pripadajući dio električne energije proizvedene korištenjem obnovljivih izvora energije u skladu sa tim zakonom i aktima FERK-a do uspostave organizovanog tržišta električne energije za dan unaprijed. Stavom (8) istog člana propisano je da do uspostave organizovanog tržišta električne energije za dan unaprijed, FERK, u skladu sa planskim dokumentom za energije i klimu Federacije Bosne i Hercegovine i ciljevima iz predmetnog zakona, donosi Pravilnik o obaveznom udjelu i preuzimanju električne energije proizvedene iz obnovljivih izvora energije kojim, između ostalog propisuje: a) način izračunavanja minimalnih količina električne energije proizvedene iz obnovljivih izvora energije sa kojima Operator za obnovljive izvore energije i efikasnu kogeneraciju ima zaključen ugovor o otkupu, b) procedure preuzimanja minimalnih količina električne energije proizvedene u postrojenjima iz obnovljivih izvora energije i efikasne kogeneracije svih snabdjevača, c) procedure svih snabdjevača koji snabdijevaju krajnje kupce u Federaciji Bosne i Hercegovine da otkupljuju proizvedenu električnu energiju od proizvođača iz obnovljivih izvora energije sa kojima Operator za obnovljive izvore energije i efikasnu kogeneraciju ima zaključen ugovor o otkupu, d) ostale odredbe bitne za obavezan udio i preuzimanje električne energije iz obnovljivih izvora energije.

II RAZLOZI ZA DONOŠENJE PRAVILNIKA

U cilju izvršenja svoje nadležnosti, FERK je donio Pravilnik o obaveznom udjelu i preuzimanju električne energije proizvedene iz obnovljivih izvora energije.

Uslijed nastale zakonske obaveze, prilikom donošenja Pravilnika o obaveznom udjelu i preuzimanju električne energije proizvedene iz obnovljivih izvora energije, FERK je imao u vidu ciljeve Zakona o korištenju obnovljivih izvora energije i efikasne kogeneracije, a posebno promovisanje i regulisanje proizvodnje električne energije iz obnovljivih izvora energije i efikasne kogeneracije, radi potrošnje na domaćem tržištu i uvećanja udjela u ukupnoj potrošnji energije, te umanjeње zavisnosti od fosilnih goriva i njihovog uticaja na okolinu, kao i racionalnije korištenje i raznolikost primarnih izvora energije. Pri tome, FERK je prilikom donošenja Pravilnika o obaveznom udjelu i preuzimanju električne energije proizvedene iz obnovljivih izvora energije, posebnu pažnju posvetio i svojim dosadašnjim iskustvima i informacijama, stečenim u izvršavanju svojih ostalih zakonom propisanih nadležnosti, te u primjeni postojećeg Pravilnika o obaveznom udjelu i preuzimanju električne energije proizvedene iz obnovljivih izvora energije („Službene novine Federacije BiH“, broj 99/16).

Obzirom na naprijed navedeno, FERK se opredijelio za regulisanje ove materije kao u Pravilniku o obaveznom udjelu i preuzimanju električne energije proizvedene iz obnovljivih izvora energije.

III PREDMET RAZMATRANJA PRAVILNIKA

Pravilnikom o obaveznom udjelu i preuzimanju električne energije proizvedene iz obnovljivih izvora energije propisuju se: način izračunavanja minimalnih količina električne energije proizvedene iz obnovljivih izvora energije sa kojima Operator za obnovljive izvore energije i efikasnu kogeneraciju ima zaključen ugovor o otkupu, zatim procedure preuzimanja minimalnih količina električne energije proizvedene u postrojenjima iz obnovljivih izvora energije i efikasne kogeneracije svih snabdjevača, te procedure svih snabdjevača koji snabdjevaju krajnje kupce u Federaciji Bosne i Hercegovine da otkupljuju proizvedenu električnu energiju od proizvođača iz obnovljivih izvora energije sa kojima Operator za obnovljive izvore energije i efikasnu kogeneraciju ima zaključen ugovor o otkupu.

IV SVRHA OBRAZLOŽENJA

Svrha obrazloženja je informisanje javnosti o činjeničnim i pravnim osnovama Pravilnika o obaveznom udjelu i preuzimanju električne energije proizvedene iz obnovljivih izvora energije.

Obzirom da je materija Pravilnika o obaveznom udjelu i preuzimanju električne energije proizvedene iz obnovljivih izvora energije izuzetno stručna i zahtjevna, FERK će nastaviti pratiti i analizirati efekte primjene Pravilnika o obaveznom udjelu i preuzimanju električne energije proizvedene iz obnovljivih izvora energije u procesu njegove primjene.

V SPROVEDENE AKTIVNOSTI FERK-a

Nacrt pravilnika o obaveznom udjelu i preuzimanju električne energije proizvedene iz obnovljivih izvora energije FERK je usvojio na III redovnoj sjednici održanoj 31.1.2024. godine. Održana sjednica bila je otvorena za javnost, a obavještenje o održavanju sjednice objavljena je 26.1.2024. godine, na oglasnoj tabli FERK-a i na službenoj internet stranici FERK-a.

Uz Nacrt pravilnika o obaveznom udjelu i preuzimanju električne energije proizvedene iz obnovljivih izvora energije, FERK je na istoj sjednici usvojio i tekst obrazloženja uz ovaj nacrt i utvrdio tekst obavještenje za javnost za prikupljanje komentara i održavanje opšte rasprave.

Obavještenje za javnost za prikupljanje komentara i održavanje opšte rasprave objavljeno je na službenoj internet stranici FERK-a 2.2.2024. godine. Nacrt pravilnika o obaveznom udjelu i preuzimanju električne energije proizvedene iz obnovljivih izvora energije sa Obrazloženjem bio je dostupan javnosti preko službene internet stranice FERK-a, a mogao se preuzeti i u sjedištu FERK-a. Rok za podnošenje pisanih komentara istekao je 29.2.2024. godine.

FERK je održao opštu raspravu o Nacrtu pravilnika o obaveznom udjelu i preuzimanju električne energije proizvedene iz obnovljivih izvora energije 26.2.2024. godine, u Mostaru, u prostorijama FERK-a, sa početkom u 11:00 sati.

Nacrt pravilnika o obaveznom udjelu i preuzimanju električne energije proizvedene iz obnovljivih izvora energije je dostavljen Operatoru za obnovljive izvore energije i efikasnu kogeneraciju 2.2.2024. godine pod brojem: 07-02-1-128-3/24. Operator za obnovljive izvore energije i efikasnu kogeneraciju nije dao komentare na Nacrt pravilnika.

Usmene i pisane komentare date na opštoj raspravi na Nacrt Pravilnika, FERK je pažljivo razmotrio i analizirao, a isti su sa Izvještajem voditelja postupka objavljeni na službenoj internet stranici FERK-a. Obzirom da komentari nisu bili takve prirode da zahtijevaju suštinsku reviziju Nacrta pravilnika radi kojih bi se obnovio postupak opšte rasprave, prijedlog Pravilnika o obaveznom udjelu i preuzimanju električne energije proizvedene iz obnovljivih izvora energije stavljen je na dnevni red VI redovne sjednice FERK-a.